

Na osnovu člana 15. Privremenog Upustva o načinu utvrđivanja i definisanja elemenata tarifnog sistema u Kanonu Sarajevo broj 04-14-3020/16 do 03.02.2016. godine, Ministarstvo saobraćaja Kantona Sarajevo donosi:

## O D L U K U

### **o raspodjeli prihoda koji su ostvareni prodajom svih vrsta prijevoznih karata osim pojedinačnih karata**

#### I

Ovom Odlukom utvrđuje se način raspodjele prihoda koji su ostvareni prodajom svih vrsta prijevoznih karata osim pojedinačnih karata za korisnike koji koriste usluge javnog gradskog linijskog prijevoza putnika na području Kantona Sarajevo od strane više prijevoznika.

#### II

Raspodjela prihoda koji su ostvareni od prodaje svih vrsta karata za javni gradski linijski prijevoz putnika na području Kantona Sarajevo osim pojedinačnih vrst bit će se na osnovu učešća prijevoznika u realizaciji prijevoza.

Iznos pripadajućih sredstava po pojedinim prijevoznicima izračunat će se u skladu sa izračunatim procentom učešća u realizaciji prijevoza.

#### III

Prijevoznici će za korisnike koji ostvaruju uslugu prijevoza iz tačke II Odluke o subvencioniranju i participaciji u troškovima prijevoza u javnom gradskom i prigradskom saobraćaju za redovne i redovne samofinansirajuće studente na visokoškolskim ustanovama u Kantonu Sarajevo broj 02-05-27128-7.1/15 od 22.10.2015. godine Ministarstvu saobraćaja Kantona Sarajevo dostavljati mjesečni izvještaj o broju izdatih mjesečnih prijevoznih karata. Uz izvještaj na ime izdatih kupona prijevoznik je dužan dostaviti u pisanoj i elektronskoj formi spisak korisnika sa podacima.

Spisak korisnika treba da sadrži: ime, preime (lica koje je ostvarilo pravo na subvenciju troškova prijevoza), adresu stanovanja, Općina stanovanja, relacija (od-do), zona, cijenu kupona (udio koji plaća korisnik), broj kupona, cijenu kupona (udio koji se subvencionira), broj indeksa i fakultet na koji je korisnik upisan.

#### IV

Ministar saobraćaja će imenovati Komisiju od 5 članova, sačinjenu od 3 predstavnika ministarstva i po jednog predstavnika prijevoznika, a koja utvrđuje:

- a) korisnike iz tačke III ove odluke koji koriste prijevoznju uslugu više prijevoznika;
- b) raspodjelu sredstava po pojedinom prijevoznicima za korisnike iz tačke a) stava 1. ove tačke.

Broj korisnika iz tačke a) stava 1. ove tačke utvrđuje se na osnovu dostavljenog spiska korisnika.

#### V

Za učešće prijevoznika u realizaciji prijevoza za korisnike iz tačke III ove odluke koristiti će se slijedeći kriteriji vrijednovanja :

- parametri iz dostavljenih spiskova,
- korištenje prijevozne usluge radi zadovoljenja potrebe odlaska u obrazovne ustanove.



**web:** <http://ms.ks.gov.ba>  
**e-mail:** [ms@ms.ks.gov.ba](mailto:ms@ms.ks.gov.ba)  
Tel: + 387 (0) 33 562-058, + 387 (0) 33 562-059  
Sarajevo, Reisa Džemaludina Čauševića 1



## VI

Prijevoznici će za korisnike koji ostvaruju uslugu prijevoza iz člana 2. Uredbe o subvencioniranju troškova prijevoza u javnom liniskom prijevozu putnika na području Kantona Sarajevo broj 02-05-32091-6/06 od 21.12. 2006. godine Ministarstvu saobraćaja Kantona Sarajevo dostavljati mjesečni izvještaj o broju izdatih mjesečnih prijevoznih karata. Uz izvještaj na ime izdatih kupona prevoznik je dužan dostaviti u pisanoj i elektronskoj formi spisak korisnika sa podacima.

Spisak korisnika treba da sadrži: ime, prezime (lica koje je ostvarilo pravo na subvenciju troškova prijevoza), adresu stanovanja, Općina stanovanja, relacija (od-do), zona, cijenu kupona (udio koji plaća korisnik), broj kupona, cijenu kupona (udio koji se subvencionira).

## VII

Komisija iz tačke IV Ove Odluke će utvrditi:

- c) korisnike iz tačke VI ove odluke koji koriste prijevoznu uslugu više prijevoznika;
- d) raspodjelu sredstava po pojedinom prijevoznicima za korisnike iz tačke c) stava 1. ove tačke.

Broj korisnika iz tačke c) stava 1. ove tačke utvrđuje se na osnovu dostavljenog spisak korisnika.

## VIII

Za učešće prijevoznika u realizaciji prijevoza za korisnike iz tačke VI ove Odluke koristiti će se slijedeće kriterije vrijednovanja:

- korištenje prijevozne usluge radi zadovoljenja potrebe odlaska u institucije vlasti,
- korištenje prijevozne usluge radi zadovoljenja potrebe odlaska u kulturne ustanove,
- korištenje prijevozne usluge radi zadovoljenja potrebe odlaska u zdravstvene ustanove.

## IX

Raspodjelu prihoda za ostale subvencionirane korisnike iz člana 12. Privremenog Upustva o načinu utvrđivanja i definisanja elemenata tarifnog sistema u Kanonu Sarajevo, prijevoznici će definisati sa nadležnim ministarstvom koje vrši subvencioniranje, a sve u skladu sa ovom odlukom.

## X

Način raspodjele prihoda za prijevozne karte za javni gradski linijski prijevoz putnika na području Kantona Sarajevo za koje se ne vrši plaćanje subvencija, osim pojedinačnih karata, a za korisnike koji koriste usluge javnog gradskog linijskog prijevoza putnika na području Kantona Sarajevo od strane više prijevoznika, prijevoznici će raspodjelu prihoda definisati međusobno a u skladu sa ovom Odlukom.

## XI

Prijevoznici vrše prodaju pretplatnih mjesečnih karata korisnicima koji u skladu sa lokacijom stanovanja određenu primarnu liniju koriste prvu.

Raspodjela prihoda od prodaje karata iz stava 1. ove tačke, za korisnike za koje se utvrdi da imaju potrebu da koriste usluge prijevoza više prijevoznika, vršiti će se na slijedeći način:

- za korisnike – koji koriste primarnu liniju čija je dužina u jednom smjeru 7 km i više u omjeru 65% prijevoznik koji vozi primarnu liniju i 35% prijevoznik koji vozi osnovnu prijevoznu linije.



- za korisnike – koji koriste primarnu liniju čija je dužina u jednom smjeru manja od 7 km u omjeru 55% prijevoznik koji vozi primarnu liniju i 45% prijevoznik koji vozi osnovnu prijevoznu liniju.

## XII

Na osnovu utvrđenog učešća preijvoznika u realizaciji prijevoza a u skladu sa ovom Odlukom utvrđuju se visina sredstava po pojedinim prijevoznicima.

Ministarstvo saobraćaja izvršiti će plaćanje sredstava za subvencionirane korisnike u visini iznosa utvrđenog na osnovu stavu 1. ovog člana.

## XIII

Prijevoznici će raspodjelu prihoda i međusobne transfere novca vršiti u skladu sa međusobnom dogovoru a u skladu sa ovom Odlukom.

## XIV

Gramatička terminologija u ovom Uputstvu podrazumijeva uključivanje oba spola.

## XV

Ovo Odluka stupa na snagu danom donošenja i objaviti će se na web stranici Ministarstva saobraćaja Kantona Sarajevo.

Broj: 04-14-31912/16  
Sarajevo, 01.11.2016. godine



web: <http://ms.ks.gov.ba>  
e-mail: [ms@ms.ks.gov.ba](mailto:ms@ms.ks.gov.ba)  
Tel: + 387 (0) 33 562-058, + 387 (0) 33 562-059  
Sarajevo, Reisa Džemaludina Čauševića 1

